



66. ԱՇԿԸ ԾԱԿ ՄԱՐԹԸ

Ըլալ ա, չիլալ մին մարթ: էտ մարթեն իլալ ա մին ախճիգ, մընգ էլ մին տղա: էտ ախճիգը նան տղան մըծանում ըն, հըրանց հասկեն հանում: Տահանց հարը ըխճկանն էլ ա փսակում, տղեն էլ: Տահանք տնըվերվում ըն: էրկունեն էլ շատ խոխա յա ընում, էրկունն էլ ըախտավեր ըն ընում: Ուրանց գյանքում լալ քեր-ըխպրոթուն ըն անում: Քերը առանց ախպորը, ախպերն էլ առանց քվորը թքլա չըն տընոն պըրնեներում: Մին օր վար մինը մինին տեսնում չար, էտ օրը մթնում չար:

Ղորթ ա տահանք էնչանք սերավ ին, ամմա ախպորը մին քանի խըսյթենն քվորը տուր չար կյամ: Տա նա յար, վար ախպերը շատ ուրոնչոն խոսկավ ընոն ար, կանոխ հվատող ար, ըստուծապաշտ ար, համ էլ քըշկերեն հվատում ար: Տրա հետե էլ քերը միշտ նասյաթ ար տամ ախպորը, վար. — Ա՛յ ախպեր շան, դոնդ ա էնչաք մծացալ ըս, ամմա հալա խելքտ հետատ հըսալ չի, տրա դարդան էլ գյանքումտ շատ վախտ ըրածըտ ճոնն ա տանում, ամադյտ կիտն ա տանում, տու էլ շատ կփուշմանես, ամմա ետե կինի, ընցածը էլ կարալ չըս ետ պիրիս: Տրա հետե, եք քու էտ կանուխ հվատալտ, ըրադին հվատալտ թարգ ըրա:

Ախպերը քվորը վըզալ ա օնում, վար. — Լալ ըս ասում, ա քեր, իմ էս կարճ խելքըս էլա տհենց ասում, ամմա անգար անիմ է՛, էտ աթաղան, ըարաղան մնացած խսյաթենն, կարում չըմ վիրըցենեմ, յըես էլ ըմ գլուդում, վար էտ հվատալը իմ կըխըս մին քյալադ

ա պիրըլական, ամմա վար հվատում չըմ, գլուդում ըմ, թա էն սհաթը արքվըլական ըմ, ասում ըմ վար կանոխ չըմեռնեմ, մին քանի տարե էվել ապրիմ, ասում ըմ ըրգնեբեն հվատամ, վար կանոխ չի տրաքվիմ:

Էրգյան ըպրեւի հուսավ էտ մարթը միշտ հվատում ար ըրադ-նեբեն, ուրան գյանքըմ էլ դաստ ար անում կըդարե: Մին դոնում ըրադի տեսնում ա, վար ուրան քաշկերը դինշոթուն չըն տամ, ըստեղ-ընդեղ սդիրում ըն, վար քյնա էս հինչ օրան տանը պատը քանդի, էն ա մին վրեսկու պուլիգյ կա, եր կալ: էտ մարթը քյնամ ա ըրա-զումը տեսած օրան տանը պատը քանդում, վրեսկու պուլիգյ չի քթենում: Սաղ օրը չըշարվում ա, օրը մթնցընում, տարած հացը կլխցնում, շորերը ճըրղոտում, քրթնունք թափում, ուրոնգունը նղացած տարտակ քյնամ տոն: Ամմա ուրան էտ չըշարվաքեն անա տանը վեչ մին պան էլա ասում չար: Մին քանե օր վեչ մին տեղավ էլա քյնամ չար, ուրթումն ար օտում, վար էլ ըրազու, մրազու հվտական չի: Ամմա թազմ մին արաղ ար տեսնում, վրդեղ ուրան բիյարուտ ըն անում, թա. — Հի՛նչ անխելք մարթ ըս, մունք քըրեզ վը՛րդեղ ընք նշանց տվալ, տու էլ վը՛րդեղ ըս քյնացալ քանդալ: Յըես ասալ ըմ, վար աչի պատը քանդիս, տու քյնացալ ըս ծախինը քանդալ: Քյնա աչի պատը քանդի, տես վեսկավ լիգյը պուլիգյը տուս ա կյամ, թա չէ:

էտ մարթը ուրան նախատում ա, ասում ա. — Ա՛ կարկաժ, խոսքը վար ասեն է՛, միչև վերչը կսկանան, տու լհա ըսկացալ ըս պա՛տ, զո՛ւ ըրալ, քյնացալ, թա վե՛ր պատ ա, թա վե՛ր պատառակ, տրանա խարար չըս իլալ, քըրնացալ ըս օրերավ չըրշարվալ, օժտ կուրցըրալ, լանթերըտ ճըղուտալ, տարտակ եկալ տոն, էտ հալա քըրեզ խըրեգյ ա, էլ տու ինիս, տու, հալա մին պանին տակ նան կլլո-խը գլիդալու, կլլոխտ քամուն չի տաս:

էտ մարթը էլհա եր ա կենում շալաքունլան հըվաքում, հղե ինում բիդի օրան տեսըր: Քյնամ ա համին ընդեղ, վրդեղ մին քանի օր առաչ քնդըքանդի յա ըրալ պատերը: էս դոնում էնքան ուրխա-ցած, վար ասես լհա վրեսկուն պուլիգյնեն ճոխտ-ճոխտ ա տուս կլլա-կան, էլ վեչ ալուն ա եշում, վեչ վալուն, կլոխն ա պատեն նի կյամ, վեչան չի՛, ծեռքն ա քարեն նի կյամ, վեչան չի, էնքան, չաշմիշ ըլած, թալդի, պատը քանդում ա, տակը պաց անում, պատեն տակը վար փշանում ա, պատը դուտալի վեր ա կյամ: Մին դեռ քար ըննում ա էտ մարթին վրեստանը, վրեննը փշրում: էտ մարթը մնում ա մը-լըլըմիշ կլալիս, կարում չի, թա տեղան տուրոնը կյա: Մին քանի օր սուված, ծարավ մնում ա էտ պատեն տակեն վեր ընգած: Ուրանց

տոնեցեք էլ հետան շոռ ըն կլամ, վերչը կլամ ըն էտ պատին տակեն տրան քթանում, տեսնում վրեննը փշրած, ռանդլը ռուշը փոխած, սասը ծվանգլած: Տրան իրեսեն խուսելավ, թոհմաթ տալավ, տանում ըն ուրանց տոն: Վրեսանը դարդան մին քանե ամես կարում չի, թա տեղան տոնոնը կլա:

Էտ մարթեն վրեննը, վար լվանում ա, էլհա սկսում ա ըստեղ-ընդեղ քյնալը: Էտ խսյաթը, վերչանք ասում ա ըթմիշ անե, ամմա կարում չի: Լնքյն էլ վեչ մին պանի պկսոթուն չար քաշում, վերերը դանավ ար լիդը, տոնը հվանավ ար լիդը, ամմա էլհա էտ մարթին աշկը ուրան իլաֆավը քուշտանում չար, ասում ար հունց օղըմ ա ինի, օրիշ տեղա մին պան պիրի: Վար վեսկուն անումը ըսկանում ար, վենը-ծեղը տափան կտրում ար:

Էտ մարթը մին քշեր ըրադի տեսնում ա, վար մարթիք ասում ըն. — էս հինչ ծմակումը, էս հինչ ծառեն տակեն էն ա վրեսկե կա, քյնա տուն կալ, պեր լավ ապրե:

Էտ մարթը մին օղում ա քյնա, մին էլ սերտը տամ չի:

Քյնամ ա ուրան քվորը մեծ տղեն նհետ նաղլը անում. — Ա՛ր քվոր տըղա ըրադի իստի պան ըմ տեսալ, եք քյնանք հանինք: — Հալա էտ տըղան հվատում չի, ամմա վրեսկուն վրետը տրան էլ ա տուն-րոնը տամ:

Ուրկոքան եր ըն կենում, հաջաթ-մաշաթ յոր օնում ու քյնում բիդի ծմակը: Հըղըցեն կեսումը էտ տղեն մետը հինչ ա ընգնըմ, դալուն թողում ա մինակ, ինքըր ետ տանում:

Էտ մարթը մըթկումն ասում ա. «Հաղըր քվորս տղան ետ ա տեռալ, մին յրես կանուխ քյնամ տեսամ»:

Շատ ա քյնամ, խրեգլ ա քյնամ, քյնամ ա մնում ծմակեն խոր-խոր տեղերը, լոխ ուրոն նման ծառեր, գյուղում չի, թա վեր ծառեն հետի յըն ասալ:

Շատ տես ու տեն խըլըղտում ա, ամմա խելքը հոնը չի խմում, տա ասում ա. «Հալըթ ուրան տեսած ծառըն ըստեղ չի»:

Տա էլհա հըղե յա ընգնըմ, ծմակեն մաշավը, քյնում ա հսնում մին խոր ծոր, մտնում ա էտ ծորը վար քյնա, ըրադումը տեսած ծառը քթանա: Մին էլ ա տեսնում էն յալան մին պան բիդի ուրան թոն ինիլավ կլամ ա: Տա կլիխ ա ընում, վար տա արչ ա կլամ, օրիշ պան չի ինիլ, սկսում ա ծորավը փախչի:

Մընչանք փախչում ա, վար հսնում ա ընդեղ, վրեղ քվորը տղան ետ ա տանալ, վրենները թուլացած, ծեղերը բուշացած,

հանլը կտրած նստում ա ըտեղ, աշկը քըցըմ հըղեն նյեր վար էս ա քվորը տղան կկյա: Քվորը տղան էլ կյամ չի:

Քշերը յրա յա հսնում, էտ մարթին վննըծեռքը հանլ թուլ ա, կարում չի տեղան տոնրոնը կյա, մնամ ա տեղ պըրանված: Քշերվա էն տանը վախտը, էտ մարթեն ընջուկավը սաս ա ընգնում: Հանլ տա մին վախում ա, ետնան տեսնալով, վար մրթասաս ա, մխրե ըրխյանում ա: Ինքն էլ ա սաս-սոնս անում: էտ մարթիքը վար կյամ ըն մուտանում, տահանց ծիյանը մնում ըն հղըցումը վըենը կացած, վերքան չըրչարվում ըն էտ մարթիքը, ծիանքը տեղան տոնրոնը չըն կյամ:

Տահանք ասում ըն, վար ծին խելունք ապրանք ա, հանլթ մին պան կա, վար քյնում չըն: Տահանցան մին քանենը, վեր ըն կյամ ծիանցան, ըտեղեք շոռ կյամ: Վերչը քյնամ ըն էտ մարթին քթանըմ:

Տրան փոնում, կպոտում, տուր ու թակ ընելավ պիրում, հանլ օղըմ ըն, թա սպանին, ասում ըն. — Տու հինչ իլանթ-միլանթ ըս, վար քշերվա էս վախտըս ըստեղ ըս: Հանլթ տու փիս մարթ ըս, ըստեղ կյողլ ըս կացալ, վար մըեզ մին դսրաթ անիս:

էտ մարթը հինչքան ղանչանք ա անում, վար հվտցեն, վար հղըցու յրա մարթ ա, օղում ա քշերը ըտեղ ընցցեն, էքյսը հղ ինի: էտ մարթիքը տըրան հվատում ըն, սպանում չըն: Լոնսանում ա, էտ մարթիքը քյնամ ըն ոնրանց կործեն, նա էլ մնում ա ըտեղ:

էքյսը քվորը տղան կյամ ա: էտ մարթը գինջացած ա ընում: էրկու հոքավ եր ըն կենում, հղե ընգնըմ: Շատ ըն քյնամ, խրեզ ըն քյնամ, քյնամ ըն հսնում ծմակեն էն ղալին տըեղը: Ըսկսում ըն աշկ ածել, թա էն վե՛ր ծառը կինի, վար բրաղի տեսալ ա:

Տահանց պտահում ա մին ախպոնը, ընդրա քշտեն մին մեծ հճարե յա ընում: Տահանք սկսում ըն հճարեն տակը քանդիլը: Շատ ըն քանդում, խրեզ ըն քանդում, քնդելիս փոսան մին չեչուտ քար ա տոնս կյամ: էտ երկու մարթը մին հանգավ էտ քարը պուկում ըն: Միչև պուկիլը էտ մարթիքը էն մթկեն ին, վար քարը պուկեն, տական վըեսկե յա տոնս կյլանկան: Ամմա վար քարը պուկում ըն, տեսնում ըն քարեն տակը վերթնավ լիգը: էտ վերթները ընգնում ըն էտ մարթկանցը ջանավը, էտ մարթիքը տոնս ըն տանում, ըսկսում փախչիլը, կողի փախչում ըն, ամմա էտ վըրթներան կարում չըն պրծնին, վերթները տահանց ծառն ա եր հանում: Քյնամ ըն տահանք շոնրոնեն հանում, թափ տամ, վերթները թիմզցնում, շոնրոնեն կյենում ըն, թուշ քյնում տոն:

Տանը տահանց մին լավ թուքու-թոհմանթ ըն տամ. — Արա,

ա շան տղեք, խե՛ ծեր տներումը վեր չըք տանում, ծեր կործն անեք, ծեր կործը թողած քննամ ըք ստեղ-ընդեղ տանշվում, տարտակ, հինջի-պոմբի ընելավ կյամ: Ետ վար տուք էք, մին դոնըմ էլ իսկի հինջի-պոմբի ընելավ էլ չըք կլլական, քննական ըք վրեննավ, ծեռ-քավ տաք մին կրակու մեշի: Խլքնետ կլխներետ ժաժ ըրեք, ծեր տներումը վեր տանաք, ծեր կործն ըրեք, ծեր ըլածչլածը բոլ ա ծրեզ:

էտ մարթը ասըմ ա. — Հա, լավ ըս ասըմ:

Ամմա վար արագ ար տեսնում, շանը էլհա մղմող ար ըննում:

Մեհետ էլ տեսնում ա, վար ուրան թքութհամթ ըն տամ, վար. — Ա՛ մարթ, տու խե՛ ասածն սկանում չը՛ս, քու կլխատ տուս պաներ ըս անո՛ւմ, տրա դարդան էլ կործտ աջող չի ընցնում:

էտ մարթը մնում ա ըրմացած: Ասում ա. — էս հի՛նչ ա, քոն իլած վրխտես տրեսած արաղը կդարըմ ըմ, վեչ մին տեղի չըմ հանում, հալա տրանա ետն էլ իրեսս էսքան թըքըմոր ա կյամ, յրես հո՛ւնց անիմ, վար էլ իրեսս թըքըմոր չի կյա՛:

Մեհետ էլ վար աղազ տեսնամ, դաստի եր չըմ կընական, մինչև վերչը կընական ըմ, տեսնամ հի՛նչ ա տանում, նոր ընդրա հետան քննամ, ըրազեն տեսածը կդարիմ, տեսնամ էս դոնումը հի՛նչ ա տեսնում:

Մեհետ էլ էտ մարթը ըրազի տեսնում ա, վար ուրան բիշտի-րիշտի յըն անում, վար. — Ա՛ մարթ, խե՛ քու ըպրելի տոնետ գլու-դոն չը՛ս, քընզ հինչու ասում ըն, տու է՛ն ըրա, վեչ թա ասածը թողե, քինն կլխատ տուս պաներ ըրա, մունք քընզ ըսեցինք, վար, էս հինչ ծմակեն, էս հինչ ծառենն տակեն, էս հինչ տեղը, մին վրեսկու կարաս կա, տու քննամ ըս էտ նշանց տված տեղը թողում, էն մին ընդդունան քանդըմ, տրա դարդան էլ վրեսկոն տեղը վերթն ա տուս կյամ, ջանավտ ընցնում:

Ետ մարթը ճելլի եր ա կենում, քընամ քվորը տղեն կոշտը, թա. — Արա՛, պա ասի՛լ չը՛ս, թա մունք սխալ ընք քանդալ, էս քշեր ըրազում ինձ ըսեցեն, վար պիտի էն ծառեն ծախի անգլոնը քանդիք, վեր վրեսկո տուս կյա, ամմա մունք քննացալ ընք աչի անգլոնը քանդալ, տրա դարդան էլ վրեսկոն տեղակ վերթն ա տուս եկալ:

Քվորը տղան ասում ա. — Քնն կործիտ, կլխատ ծեռք ը՛ս եր կալալ, թորը քննամ ըս քննա, յրես ջան չոնիմ բադա տալի, իմ ըլած-չիլածըս ինձ բոլ ա, փորս չի սոված, վրենն չի պաց, հի՛նչ ծոնիմ ըստեղ-ընդեղ չըրչըրվիլիս, թա հա՛յ մին տեղ վրեսկու կարաս քթա՛-

նամ, հա՛յ պուլիգլ քթանամ, յրես կյամ չըմ, տու թորը քնամ ըս քլընա:

Ամմա էտ մարթը հմողում ա էտ տղեն, վար. — Ա՛ տնաքանդ, միշև մհենգլի արանդը կեսատ ըմ ըլալ սկնալիս, ամմա մհենգլ միշև վերչն ըմ ըսկտցալ, մհենգլ գոլգ ա ըննական, հենց ա իսկի արանդ չինի, լհա ասես ըրըկյնի յա, լհա ասես քըշտան ըմ կյամ: Էս գոնումըն էլ վար սոտ ինի, էլ վեչ յըես, վեչ տու, ինձ նհետ էլ վեչ կիտոսիս, վեչ ոլարյօր կտաս, վեչ էլ մրթատեղ կրտինիս:

Էն տղան ասում ա. — Ա հանց ա էս գոնումը դորթ ինի՛, մին քյինամ տեսնամ վար դորթ ինի, նրա քյալլան թափ ըմ տլական, տարտակ թողիմ, լոխ յըես յոր օնիմ, վար սոտ ինի, տրան մին լալ ծեռքըս ըմ ունական, շան նհետ կապիմ:

Էտ մարթ նան տղան եր ըն կենում հացալ քսակնեն լցնում, քսակնեն յոր օնում, վար վըեսկեն ածին մաչը, քյնամ: Քյնամ ըն, քյնամ, շատ ըն քյնամ, խրեղլ ըն քյնամ, հըսնըմ ըն համին ծամկը, համին ծառեն տակը, մհենգլ էլ սկսում ըն ծառեն ծախի անգյունը քանդում: Քանդում ըն, քանդում, քյնամ մին սալ քարու տեմ ըննում, էտ քարը կարում չըն վեչ կոտրին, վեչ էլ պիցիքընին: Էտ մարթը քվորը տղեն դարկում ա տոն, վար համ հաց պերի, համ էլ գուրուն, ամմա ինքը մնում ա էտ փոսեն քշտեն նստած:

Էն տղան քյնամ ա տոն, հաց յոր օնում, գուրուն յոր օնում, կյամ, էտ սալ քարը կուտրատում, էն էխշավը վար վըեսկեն քարեն տակեն ա իննական: Ամմա քարը կտրելանը ետը պարզվում ա, վար մին քարե նալ ա, մաչը վրսկոներալ լիգլը: Էտ վրսկոներեն դաթը շոռ ըն կյամ, վեչ վըեսկե յա ինում, վեչ էլ մին պան: Էտ մարթը նան էտ տղան ուրոլը իրեսե խոսում ըն, ուրոլը պակաս-պռատ ասում, նղացած հղե ինում տոն: Ինքյն էլ վեչ մին տեղ ըն քյնամ, վեչ էլ մին հըղըցալ մինը ըռաշկեն ա քյնամ, մինը դրետ: Վերչը էտ մարթիքը հսնըմ ըն տոն, էլ իրիսատեղ չի ընում, վար տանը խոսեն: Քվորը տղան ասում ա. — Էլ յըես ինիմ, յըես, էտ մարթին նհետ վըեննը փոխեմ, ջանես կեսը մշվըցրե ըտրա նհետ էնքան տես ու տեն քյնացե, խուտուրու տեղան:

Էտ մարթըն էլհա ուրան մթկումը ասում ա. «Յըես էլ ըրանգոն հվտլական չըմ, գյանքիս կեսը տհենց տեղը փըղըցրե, բոլ ա՛, հերիքլ ա՛, հի՛նչս ա պակա՛ս, վար խուտուրու չըրչարվում ըմ, խուտուրու էտ ծակներումը տանջվում ըմ»:

Ամմա էտ մարթը էրկու մթկանե յա ինըմ: Համ տհենց ա ասում, համ թա՛, վար. «Էն վերան տներան վըեսկեն պուլիգլալ տուս կյար,

էն ծառեն տական վրեսկե կարասը տոնս կյար, հո՛ւ գլխիդնիւ ըս յըես հի՛նչ մարթ կը տեռնիս: Վրեսկեն վար մետն ար ընգնում, աշկերը չըռում ար, աշկերը չորս անըմ: Մին խիլլա վախտ էտ մարթը արազ չի տեսնում, վենները, ծեռքերը միխրե դինչանում ա, ուրան հալալ կործեն ա կենում: Համ էլ քենքյ ար անըմ, վար. — «էս հենց ա աստված ինձանա խռաված ինի», էլ արազ չըմ տեսնըմ, չինի թա աստված ինձ մին դարաթ անես: Մեղա յա կյամ, վար հինչ արազ տեսնամ կրգրվլական ա, արազը ըստուծու պանն ա, աստված ամեն մարթու արազ տեսնալ չի տա՛մ, արազը նրա յա տեսնալ տամ, հու վեր ըստուծու հղըցումն ա, հու վեր արթար ա, պա յըես հո՛ւնց տոնս կյամ ըստուծու հղըցան, վար տոնս կյամ, աստված ինձ դարաթ կանե, պատիժ էլ կտա, ըսկի օր ու պերի չըմ տեսնալ:

Տրանա ետը էտ մարթը քենքյ ա անում. «Վար մհընգ էլ արազ տեսնամ մին մարթու էլ ըսլական չըմ: Բալի լիհա մարթու ասում ըմ, տրա հետե չի վրեսկե տոնս կյամ, աստուծու պանն ա լի, հո՛ւ վա գլխիդնիւ, մեհետ վրեսկեն վերթնը կշինի, մեհետ էլ վեսկեռք կշինի»:

էտ մտածմունքներավը էտ մարթը մնում ա տըկըկլիս ընելիս. «Պա վեր մինակ քյնամ, յըես հո՛ւնց կանիմ...»

Վերչը կյամ ա էն համոզման, վար. «Աստված-ա՛ստված մընգ էլ վար արազ տեսնամ տազ ըրած եր ըմ կնական հղե ինիմ, վեչ մարթու վըմ ըսլական, վեչ էլ մեր տանը»: Մընգ էլ ասում ա. «Զէ, բա բալաս տեղս գլիդա վեչ, վար հետաս կյա, բալքյաս մին պեն ա չըհում»:

էտ մարթը վճռում ա, վար մին էլ արազ տեսնա, կենդու ուրան կուճուր ըխճկանը ասե, նորու քյինա ըրազումը տեսածեն հետան:

Շատ ա ընցնում, խրեդյ ա ընցնում, էտ մարթը մին արազ ա տեսնըմ. վար գուվաքյի մին քերծում, մին քարու տակե, մին փոս կա, վրեսկավ լիգլը:

էտ մարթը մնում ա մտծելիս, մինակ քյնամ, թա հնգերավ քյնամ: Մինդ էլ սրերտ չի անում, ասում ա հընգերավ քյինա, վախում ա, թա էլհա փոչ տոնս կյա:

Վերչը օգըմ ա մինակ քյնամ:

էտ մարթը եր ա կենում մին օրան պրիպասը յոր օնում, քըսակ-մըսակ յոր օնում, վար վրեսկեն ածե մաչը, հշիթենն շլակում, հղե ինում: էտ մարթը քյնամ ա, քյնամ, հսնում չի ըրազումը տեսած տեղը: Հղցումը հացը կլխում ա, հշիթենն թողում ա հղցեն գրադեն, ինքը ետ տանում տոն, մինդ էլ էրկու օրվա հաց ա յոր օնում, հղե վնում, քյնամ ա, քյնամ, վերչը հսնում ա ըրազումը տեսած տեղը:

Քյնամ ա շոռ կյամ, շոռ, դե էտ քերծումն էլ հրգեր քար կա, վե՛րեն տակը պըտռե, վար քիթենա, վերչը մին քարու տակ քանդում ա, մին հանդավ էն քարը պուկում, տեսնում տակեն վեչ մին պեն էլա, կա վուչ, քոռը-փեշման մնամ ա տեղը նստած: էնքան ըզմարած ա ինում, վար կարում չի թա՛ քյնա տոն: Սուված ծարավ մնում ա տեղը նստած: էքյսը էտ մարթը հղե յա ընում տոն հենց առաչին քշերը, նորու արա՛ղ ա տեսնում, վար էլհա ուրան նախատինք ըն տամ, վար նշանց տված քարեն տակը չի քանդալ, քյնացալ ա քնդելի քարեն տակը թողալ, օրիշ քարու տակ քանդալ:

Ըրազումը նրան ասում ըն. — Վար էն քարը թողալ ըս վրեսկեն տակեն, օրիշ քարու տակ քանդալ, դե մհենդյ քյինա էն քարեն անա տենը մին մեծ քար կա, ընրա տակը քանդի, տըես վրեսկե կա՞, թա վեչ:

էտ մարթը եր ա կենում իրեք օրվա հաց յոր օնում հշթենն շլակում, հղե ինում: Քյնամ ա հսնում համին քերծը, շոռ ա կյամ էն քարը քթանում, վերին տակեն վրեսկե պիտի ինի: Ուրխանում ա, ասում. «էս ա վրեսկեն տուս կկյա, քսկենս կլցնիմ շելակըս թմամիմ հղե ինիմ տոն: Դե ընդըղանը ետը հո՛ւ կկարե, իմ հետաս հըսնե, ըրածըս անե, լավ ա լհա՛ օրիշ մարթու ըսեցե վեչ»: էտ մարթը սկսում ա ծանդը ըշխադանքը:

էտ քարը մեծ քար ա ընում, էտ մարթին աշկը վախում ա տըրա-նա: Ասում ա. «էս հի՛ր քիդի քանդիմ, իշտա՛ս վերչանք վրեսկե կա տակեն՛ն»:

էտ մարթը սկսում ա քարեն չորս անգյունը քանդիլը, ամմա էտ քարն էլ հենց քար ա, վար վեչ ճոնդն ա ըրելում, վեչ պուճախը: Քանդում ա, քանդում, կարում չի, թա՛ տակը պեց անե: Օրը մթնում ա, ինքյն էլ շատ չըլըվելանը ետը, էտ քարեն քշտեն հաց ա օտում, պրծնում, քոն ինում, վար էքյսը եր կենա աշխադանքը շարունակե: Հեռե տեղա եկա՛ծ, սաղ օրը չըլարված, վստակա՛ծ, էլ կարում չի, լհա՛ քնավ ա ընցնում, հենց պենդ քոն ա ինում, վար ունջուկումը թոփ էլ տըքցնիս, եր չի կենալ: էտ մարթը ըրա՛ղի տեսնում ա, վար վրեսկեն փոսը պա՛ց ա ըրալ, ամմա էտ փոսը խոր ա, ծեռքըն օղում ա թա՛ մեկնե, հսնում չի: Մընեներեն պտուկնեն էլ վար նի յա հսնում վրեսկուն, վրեսկուն վար նիյա կյամ, ցրտոթունը գյուղում ա, մանեները ցրցուրտանում ա, էտ մարթը շատ զոռ ա անում, վար կռանա վրեսկեն հափոե, ամմա ծեռքը նի չար հսնում: Միւրե էլ էլ զոռ ա անում, վար ծեռքը նի հսնե — բուրդան օղում ա թա՛ կլխեն յրա իննի վերը:

էտ մարթը լոք ա տամ, եր կենում: Տու մի ասիլ էտ քերծումը

մին արչ ա ինո՞ւմ ըպրելիս, կյամ ա, պտահում էտ մարթին, ըս-
կսում թանթո՛ւնվը խաղ անելը: Վերչն էլ սկսում ա թուլուլ տալը:

Հենց էտ վախտը, էտ մարթը ղո՛ւրթնանում ա, եր կենում, տեսնում իրեսը չընգռտած, ըռնփալալ, եր ա կենում, թա՛ փախչի, արչը խտտում ա թուլ ըննո՛ւմ, տանում ներքե ծո՛րումը էտ մարթին ծեվծեվ անում: Օրեր ա ընցնում, էտ մարթը տոն չի կյամ: Տնացեք շոռ կյալավ կյամ ըն հետը քթանում, տեսնում էն վըեսկե օղող մար-
թը արչու փայ ա տա՛ռալ:

— Տհենց ա ինո՞ւմ հա՛, հու վար ո՛ւրա՛ն իլածավը պավական չի ընում, բավարարվում չի՛, ըշկըծկոթուն ա անո՛ւմ, ըսկի մին տեղ չի հսնում, էտ մարթին նման արչու փայ ա տա՛ռնում:

Մարթը հիշքան կաբա, աշկը կոշտ կպահե: Հիշքան ըշկծկո-
թուն անե, կլլոխը տա՛րտա՛կ կմնա, փորը սոված, մուրազեն էլ հսնել չի, ամմա էն մարթը, վար ո՛ւրա՛ն աշխադանքավը ապրե, օրիշի աշ-
խադանքեն յրա չինի աշկը, բախտը տհենց մարթեն վըենները կփթաթե: Ամմա աշկը ծակ մարթեն վըենները, բախտի տեղ, արչը կփթաթե:

